

Cietvamoq: Fungcingz Daegbied Beixnuengx Nucuz

风情独特的怒族鲜花节

□Cauz Yencinh ingj Sinhyungz hoiz



▲ Cietvamoq daeuj daengz, simmaengx angq diuq foux.



▲ Cietvamoq ngoenzneix, laux-nyaeq cungq angqyangz.



▲ Cingj dahsien cunzyouz, ndaej baujyoh gyoengqvunz.



▲ Mehmbwk fwngz caen soem, daemjrok riengj youh vaiq.



▲ Gwnz ciet caen nauhyied, mbouj sij biek dauqbae.



▲ Ngoenzneix cietvamoq, cang moqsak coux hek.



▲ Daengx ranz vunz caez bae, comz caeqbaia dahsien.

ngoenzneix caeqbaia de.

Haetromh ngoenzciet, gyoengq beixnuengx Nucuz bouxboux cang-ndang moqsag gyaunde, daiq doxgaiq dajcaeq, laex doenghduz, laeuj, fwngz gaem vainj daengj vamoq, byaij ok mbanj comz daengz baihnaj gamjdahsien, baij vamoq, haeuxceh, laeuj daengj doxgaiq dajcaeq hwnjbae, youz bouxlazmah roq gyong boq loxlez ngon ging, vunzlai caez baiqyed yienh laex, muengh dahsien, saenzbya baujyoh vunzlai ndang cangq vuenyungz, gohaeux fungsou, doenghduz maj vaiq. Riengzlaeng baij geij dah sau haeuj conghgamj bae cieq aeu "raemxsien", riuznaeuz gij rin-raemxndik Ahungz vaqbaenz haenx lae ok gij raemx hau lumj raemxcij nei couhdwg "raemxsien", dawz okdaej faen hawj daihgaya caez gwn; yienzhaeuh gak ranz roxnaeuz baengzyoux caencik gag humx naengh dwk gwn ngaiz, daihgaya ciengq go doiq fwen diuq foux, angqyangz nauhyied raixcaix.

Seizneix, cietvamoq gaenq baenz ngoenzciet fapdingh Nucuz, hozdung ngoenzciet hix daj cijdan caeqbaia fazcanj daengz miz gofoux biujyienj, doxgaiq gaicawx daengj lai cungj lai yiengh. Riengzdwk ngoenzciet yied banh yied hoengh, gyoengq beixnuengx Bouxgun, Lizesucuz, Cangcuz, Duzlungzczuz dangdieg caemh angqyangz camgya haeujbae, daihgaya itheij doxdax nyingz naq, gwih max buetvaiq, ciengq go diuq foux, nauhyied raixcaix, moix bi lij miz hauilai vunz daj dieg wnq caiqlj miz baengzyoux guekrog daeuj ngonzyawj ne, gij gingyawj ndei yawj, fungsug fungcingz daegbied gag miz haenx, hawj gyoengq hekyouz roxnyinh mizyinx dangqmaz, caemhcaiq deiheih haenhdanq.



▲ Lazmah daeuj ngon ging, caez rincaea dahsien.



▲ Hek daj seiqlengq daeuj, ciengq go coux haeuj ranz.



▲ Ngoenzciet angqyangz lai, vunzlai diua foux hoengh.